



古文孝經定本

完


孝經四

997



門口28
第997
卷

古文孝經定本



明治十八年
六月九日
藏



孝經六書敘

余七八歲奉教於家大人膝下大人授以孝經當時
但耳受口誦之而已豈能知孝之義為何若我年
甫十二初入奚疑塾受業於北山先生蓋先生之教
人以力行孝弟為先務而其所以為教則以誦習孝
經為始鼎不佞日侍絳帳以問業焉以請益焉即以
知孝之義者非先生開示訓導警覺提撕使之然
烏能得其萬一哉夫人孩提知愛少長知敬自天性
已然故孝之為道亦愛與敬而已愛敬之所至仁
義亦至焉仁義之所至即人倫之至也自古聖人

莫不以入倫為重故又莫不以力行孝弟為先務
而言其義者莫盡於孝經但其書自秦火之後今
文獻於顏氏古文出於孔壁而歷代諸儒或遵今
文或遵古文各立門戶互騁意見彼之所是此以為
非紛紛聚訟莫之有定鼎不佞輒不自量以今文古
文校其同異而攷定之作攷異三卷又作定本一卷
歷代注經家各自有所見一短一長孰是孰非初學
或苦無折衷久矣今就諸家傳注擇其明白切當者而
取材之間有諸家所未盡則以己意窺測一二又取古
今孝行嘉言可以發明經旨者附載之猶鑿之有案

也於是乎其文義既可知事實亦可舉而行學者苟
於此而心知躬行焉其於治道立身豈無小補哉作證
注二卷其承訛過庭奉教函丈皆今文也鼎不佞不
能守其言而行其義塵以一得之見指彈今文推奉
古文妄言之罪固無可逃然記其所疑以質諸有道
士質疑之道也作私記二卷若夫訂正孔傳校補
鄭注者雖好古之不獲已亦存籛羊之遺意也書
成凡六種名曰孝經六書歲之家塾以授子弟云
文化己巳春三月善菴居士朝川鼎題於小泉書院

夫孝之於天下也，猶天之有日月也。日月之照天下，不可一日而無之。孝之於天下，不可一日而無之。故曰：夫孝，天之經也，地之義也，民之行也。

古文孝經定本例言

一孝經一書有古文今文之辨其今文所無一字或二字古文有之古文所分一章若二章今文合之今文作某字古文作某字其所異大抵不過如此今稽其文義初無絕相遠者唯今文闕閨門一章此為甚異耳先生嘗著攷異一書以今文古文校其同異誤者正之衍者去之定為此本以為後進標的雖去取一出於先生一家之見要亦未為無據也讀

者詳之

一孝經原無章名而首章名載漢書五等章名見援神契則西漢孝經既有此稱故今存其名第七章已下不載章名唯舉其序次至十二章者亦所以存三十二章之目也讀者幸勿為古孝經亦有此稱文於其字其詞與一小異同姑置之其若關係義理者於每章末取節攷異文以附辨之至其詳具載攷異一凡稱舊本者指我邦所嘗梓而傳孔傳古

文孝經而言之蓋我

邦所傳孝經有五焉

一曰清原本而清原本亦有二其一則享保辛丑歲舟橋保文公所刻乃所謂舟橋本是一則天明辛丑歲伏原宣條公所校刻即所謂伏原本是也二曰足利本下毛足利學所藏是也三曰弘安本佚存叢書所收是也四曰元祿本元祿甲戌歲大坂書肆某所刻是也五曰享保本享保壬子歲太宰純所校刻是也稱宋本者指司馬光本范祖禹本朱

後世以顯父母孝之終也夫孝始於事親中於事君終於立身大雅云亾念爾祖聿修其德

右首章

子曰愛親者不敢惡於人敬親者不敢慢於人愛敬盡於事親然後德教加於百姓刑於四海蓋天子之孝也呂刑云一人有慶兆民賴之

右天子章

子曰居上不驕高而不危制節謹度滿而不溢高而不危所以長守賢也滿而不溢所以長守

富也富貴不離其身然後能保其社稷而和其民人蓋諸侯之孝也詩云戰戰兢兢如臨深淵如履薄冰

右諸侯章

子曰非先王之法服不敢服非先王之法言不敢道非先王之德行不敢行是故非法不言非道不行口亾擇言身亾擇行言滿天下亾口過行滿天下亾怨惡三者備矣然後能保其祿位而守其宗廟蓋卿大夫之孝也詩云夙夜匪解

以事一人

右卿大夫章

子曰資於事父以事母其愛同資於事父以事君其敬同故母取其愛而君取其敬兼之者父也故以孝事君則忠以弟事長則順忠順不失以事其上然後能保其爵祿而守其祭祀蓋士之孝也詩云夙興夜寐忝爾所生

右士章

子曰因天之時就地之利謹身節用以養父母

此庶人之孝也

右庶人章

池北偶談載耿隱之說云曾見古本庶人章未引詩云晝爾于

子曰故自天子以下至於庶人孝亾終始而患不及者未之有也

右第七章

曾子曰甚哉孝之大也子曰夫孝天之經也地之誼也民之行也天地之經而民是則之則天之明因地之利以訓天下是以其教不肅而成

其政不嚴而治先王見教之可以化民也是故先之以博愛而民莫遺其親陳之以德誼而民興行先之以敬讓而民不爭道之以禮樂而民和睦示之以好惡而民知禁詩云赫赫師尹民具爾瞻

右第八章

子曰昔者明王之以孝治天下也不敢遺小國之臣而況於公侯伯子男乎故得萬國之歡心以事其先王治國者不敢侮於鰥寡而況於士

民乎故得百姓之歡心以事其先君治家者不敢失於臣妾之心而況於妻子乎故得人之歡心以事其親夫然故生則親安之祭則鬼享之是以天下和平災害不生禍亂不作故明王之以孝治天下也如此詩云有覺德行四國順之

右第九章

曾子曰敢問聖人之德以加於孝乎子曰天地之性人為賢人之行莫大於孝孝莫大於嚴父嚴父莫大於配天則周公其人也昔者周公

郊祀后稷以配天宗祀文王於明堂以配上帝是以四海之內各以其職來助祭夫聖人之德又何以加於孝乎

右第十卷

子曰父子之道天性也君臣之誼也父母生之績莫大焉君親臨之厚莫重焉是故親生之膝下以養父母曰嚴聖人因嚴以教敬因親以教愛聖人之教不肅而成其政不嚴而治其所因者本也

子曰右第十一章

是故以下四十四字舊本錯簡屬上章之末今據漢志而

改之○生之膝下舊本作生毓之今從宋本

子曰不愛其親而愛他人者謂之悖德不敬其親而敬他人者謂之悖禮以訓則昏民亾則焉不宅於善而皆在於凶德雖得志君子不從也君子則不然言思可道行思可樂德義可尊作事可法容止可觀進退可度以臨其民是以其民畏而愛之則而象之故能成其德教而行其政令詩云淑人君子其儀不忒

如令右第十二章
 子曰孝子之事親也居則致其敬養則致其樂
 疾則致其憂喪則致其哀祭則致其嚴五者備
 矣然後能事其親事親者居上不驕為下不亂
 在醜不爭居上而驕則凶為下而亂則刑在醜
 而爭則兵此三者不除雖日用三牲之養繇為
 不孝也

右第十三章

子曰五刑之屬三千而梟莫大於不孝要君者

凶上非聖人者凶法非孝者凶親此大亂之道也

右第十四章

子曰教民親愛莫善於孝教民禮順莫善於弟
 移風易俗莫善於樂安上治民莫善於禮禮者
 敬而已矣故敬其父則子說敬其兄則弟說敬
 其君則臣說敬一人而千萬人說所敬者寡而
 說者衆此之謂要道也

右第十五章

子曰君子之教以孝也非家至而日見之也教以孝所以敬天下之為人父者也教以弟所以敬天下之為人兄者也教以臣所以敬天下之為人君者也詩云愷悌君子民之父母非至德其孰能訓民如此其大者乎

右第十六章

子曰昔者明王事父孝故事天明事母孝故事地察長幼順故上下治天地明察神明彰矣故雖天子必有尊也言有父也必有先也言有兄

也宗廟致敬不忘親也修身慎行恐辱先也宗廟致敬鬼神著矣孝弟之至通於神明光於四海亾所不暨詩云自東自西自南自北亾思不服

右第十七章

兄也下舟橋本足利本元祿本享保本並有必也長也四字全屬衍文伏原本必有先也作必有長也今從弘安本

子曰君子事親孝故忠可移於君事兄弟故順可移於長居家理故治可移於官是以行成於

內而名立於後世矣

右第十八章

子曰閨門之內具禮矣乎嚴親嚴兄妻子臣妾

繇百姓徒役也

右第十九章

質疑云松江周木以漆書韋編時有滅絕

錯簡闕文殆或不免於是考古文今文合

為新考定孝經一書不分章第傳釋似亦

可觀但以閨門章第內嚴父嚴君之下擲

補猶君長也四字非闕文之史矣吳隆元

疑有脫簡以下二句義推之當云猶君

長也其果然乎否雖不可得而知之亦可

以備一

曾子曰若夫慈愛龔敬安親揚名參聞命矣敢

問子從父之命可謂孝乎子曰參是何言與是

何言與言之不通邪昔者天子有爭臣七人雖

亾道不失天下諸侯有爭臣五人雖亾道不失

其國大夫有爭臣三人雖亾道不失其家士有

爭友則身不離於令名父有爭子則身不陷於

不諛故當不諛則子不可以不爭於父臣不可

以不爭於君故當不諛則爭之從父之命又安

古文孝經定本

學古塾藏

得為孝乎

右第二十章

困學紀聞云是何言與司馬說誤以言之不通也五字為經文古今皆無朱文公集所載刊誤亦無之近世所傳刊誤以五字入經文非也因致之今見行范祖禹古文字孝經說及朱子刊誤朱申本董鼎本並無言之不通也字司馬公指解於是何言與下亦無此註文獨我邦所傳古文孝經文有言之不通邪五字而孔傳云曾子魯鈍不推致此義故謂之矣然則隋時經文固為既有此文決無指之解註文誤入經文

子曰君子之事上也進思盡忠退思補過將順

其美匡救其惡故上下能相親也詩云心乎愛矣遐不謂矣忠心藏之何日忘之

右第二十一章

子曰孝子之喪親也哭不依禮亾容言不文服美不安聞樂不樂食旨不甘此哀戚之情也三日而食教民亾以死傷生也毀不滅性此聖人之正也喪不過三年示民有終也為之棺槨衣衾以學之陳其簋簋而哀戚之哭泣擗踊哀以送之卜其宅兆而安措之為之宗廟以鬼亨之

春秋祭祀以時思之生事愛敬死事哀戚生民之本盡矣死生之誼備矣孝子之事終矣

右第二十二章

日而愈遠矣以於壽也親不新則其望人
美不新則樂不樂食旨不甘此其親之辭也
子曰養子之喪雖也哭不於顛也容言不交肌
亦於二十一年

古文孝經定本終

刊者華霞年

